





長鯨遠避老蛟徙莫謂投杖葛陂裏此龍僵卧難扶  
起夜半乘風忽掉尾也應驚倒四足鯉棘闌魚鑰鎖  
層絮破壁高飛去何駛文昌光燄燭天紫新蔭滿庭  
盈桃李吁嗟乎陰霾合昏迷帝厯震電奔騰駭人寰  
胡髯下垂之而現領下驪珠誰取攀君不見元禮風  
骨望若仙登門人盡聲價添君不見荀氏里第德星  
躔八俊昂首碧落天何況神物變化妙無邊不似華  
歆終輪管聊賢熟讀猶龍道德五千言定借麒麟鸞  
鳳一一躍入青雲端

夏日借諸同人遊燕子洞

劉啟達

疎之

魄魄怪石維嵯峩凌空倒盤古藤蘿豁然一洞幽且  
敞吐納雲山隱中阿我昔曾聞此奇勝將往仍留心  
靡定忽如何點躡屨來滿目蓬蒿簇荒徑手披榛莽  
石磴高招呼南薰送我曹曲折盤紆爭努力咫尺洞  
府隔塵囂飛花作茵草作褥翠壁蒼崖看不足中空  
內曲黝而深齊喚奚奴忙秉燭爾時林木帶朝曛同  
人導我躡五雲離洞不數武額鐫有石額低垂偃僕  
久而堂而奧次第分山靈似憐頭久俯覆頂螺旋天  
尺五一火明滅屏息行咳唾恐驚魍魅侮俄焉鬼斧  
窮鑽剏造化不嫌勞眼有洞有百眼鑿破混沌開小

穴壺中日月駢雙丸如斯福地世罕有阿誰先控轡  
鶴走相將梯步飛昇崖剡壁大書字如斗遷迤左折  
又一天蓮花倒擁佛像懸我佛見儂開口笑汝是聞  
苑謫降仙急持桐魚叩石鼓萬靈猛驚吼如虎巖液  
濺衣溜濺裳錯認如來法雨普回頭辭佛一燈紅纍  
鼎石孔密嵌空變化瓏玲千萬狀此身疑住蓬萊宮  
乃知空山多勝地底事方壺訪奇異會須歷險入仙

源相傳此洞與桃源通拄杖笑把洪崖臂

遊燕子洞

朱廷海 百川

燕子巖前石碣硯層峯高聳闕絳闕峭壁斜連羊谷

雲危崖俯瞰鴛浦月有力不敢役五丁有斧不敢劈  
巨靈元氣蟠結雄南楚兀立地柱撐青冥羣壑合沓  
僧寺殿時有仙侶此運在夜靜龍吟大壑寒秋高鶴  
唳瑤壇爽就中古洞幽且虛陰氣晦育慘不愉初如  
螺旋後蛇蛻步步踰躑躅環紆我生本是烟霞客不  
樂城市樂泉石邊勝無煩陶令輿探奇惟蠟謝公屐  
來此敬入仍憑廻辟邪靈符懸滿身火鈴照徹前與  
後躑躅帶過鳩陰嶼豁然中開露仄徑一綫天光透  
石磴巖峩四字五雲深苔蘚模糊須細認鐘鼓陳列  
形宛然遺謫觀音倒坐蓮山有鐘石鼓及漠漠冷

霧漫嶺骨嶺新能覓仙源仙笑我平生空寂寞烟密  
密還見未着僧教採菊逢雙鬢十年恐負山中約  
遊燕于海有風於野志中所載陳純遇仙女事爲作

長歌正之

魏 湘

我欲裝糧往向羅浮游風風雨雨迷離二山頭又欲  
采薪徑上天台去無數桃花片片逐水流二者奇絕  
令人神馳久道路迢遞可惜見無由吾慈自有名勝  
在燕巖高壘勢巖鬼一徑曲比盤谷盤苔色斑斑石  
磈礧林木錯雜秀色交怪鳥啁啾鳴樹梢碧澗綠淨  
不可唾雲氣漫漫束山腰上有崆峒岌業之危峯下

有幽深谿訝之古洞冷風刺人寒心脾神漢噴薄陰  
氣重此洞不知闢何年神工鬼斧妙雕鐫天光一線  
透地底蜿蜒直與桃源連傳說陳純當日訪仙曾至  
此糧盡困卧山之址一陣花香浮水來急取食之甘  
於旨渴甚飲水數斗多大痢三日病始起瞥見青衣  
前致辭道卽未到妾先知後夜三仙來相會水際樓  
閣排參差樂音繚繞斷復續瓊葉分裁中秋詩月圓  
人圓句自好同舟相攜入蓬島南軒密囑勿輕開開  
看恐惹中心惱忘戒忽把玉笛吹山川人物都了了  
心煩 那吐出口化爲紅鶴天邊走從此急急艤歸

舟回首仙境已烏有我來訪古陟崇岡遺蹟罕觀心  
徬徨縱令傳聞非無自此語終疑是渺茫吁嗟乎世  
間萬事從吾好接興狂歌若相告人生別有長生方  
煉丹學仙付一笑

望天門山

朱之材 竹菴

我讀張公天門詩名山常結夢中思化人樓臺倚空  
碧身雖未往神先馳半生苦被詩書束密邇林巒未  
插足日依吟案事鉛槧捫胸只覺胸懷俗聞說茲山  
高接天俯視塵海兜羅綿石筍參差排萬仞瀑布晴  
書吼崖巔虎嘯猿啼聲莽蕩白蝠蒼鼯互還往烟沉

古壑巖巖日冷綠蘿樓題題一線丹梯不可攀灑  
氣橫空絕凡想豁然中開露叢林靈泉之院窈而深  
石室嵌壁更奇險鬼谷學易曾此臨况復宜都周內  
史佳堪鬱鬱傍山起年去年來閱幾春古人遺跡付  
流水何時尋幽入梵宮秋風吹瘦七尺筇直把塵氛  
撲三斗天門頂上認星紅

仙人樓

朱顯德 瞿吾

九渡溪裏水泠泠九渡溪旁山冥冥蒼崖萬仞插霄  
漢俯視人海何崢嶸就中有樓尤峩嶢恍惚海上蓬  
萊閣依巖架壑結構工誰吹玉笛騎黃鶴高踞翠巘

最上巖左拍洪崖右浮邱玉漿金醅酌天瓢酪酏一  
醉三千秋傳言昔有仙人至卓錫此樓恣遊戲緱山  
鶴唳瑤壇壘空中往往聞鼓吹至今仙去幾經年此  
境猶說仙人天五邱十嶽徒浪語須彌芥子豈真詮  
願得乘雲來樓上少分芋火消俗緣

東羊渡石羊歌

王南川 蘭曉

東羊渡有石高四尺許青色上有一羊似畫作紅  
色羊首向東故名其渡爲東羊有人昇之入寺中  
次早仍還故處舊志謂爲東陽渡者非也特作七  
古以正其訛

東羊渡口水泚泚東羊渡畔草絲絲中有神羊生石  
上或巖或訛形儼然石高四尺泥沙擁頭角生成非  
巖空不必秤象船一試石輕重數夫昇之即可動往  
者曾移入梵宇欲使點頭聽法語但聞一夜風雨聲  
次早仍復還故處羊首常向東吞吐朝陽紅古傳鈴  
羊峽與此將毋同試想洪濤巨浪時常有一川碎石  
挾以走此石胡爲不轉亦不移砥柱中流鎮水口旣  
非黃初平叱石成羊遇乃兄又非洞庭女風鬟霧鬢  
牧涇水祇此區區一片石非刻非畫工色亦歷盡紅  
羊小劫年常伴鷗鷺卧沙磧始知天公有意示人巧

山川靈秀原不少此亦靈秀之氣所偶鍾不然柔毛  
短角歷歷分明誰所造君不見羊館老龍痴復眠羊  
城使者去欲仙我姑再拜學米顛挂角神通喻詩禪  
弔周尚書叙

潘鼎銘 警齋

尚書名高紫駝峯

九點山名

金燬吐氣如長虹會當正德

南巡日讜論侃侃效孤忠語懣適觸明聖怒廷杖幾  
死鞭扑中羣兇猶復肆譟詠一官謫隳荒微鼓武宗  
升遐世宗嗣下詔起復舊臣工公廼獨磨不次擢一  
日三遷遇何隆感恩忽解元亮組酒歌琴賦激清風  
出也有爲處有守大節凜凜摩蒼穹似此人物真罕

觀姓字豈合隨沙蟲年後一年世代更故宅荒墳付  
蒿蓬鐘鏞寂聞蘋蘩闕數百載無祀典崇我爲邑人  
生後公辦香私淑寓微衷敬書俚歌告同志或者缺  
恨能彌縫里閭從此建祠宇亘千萬禩垂無窮

節孝歌

爲慈利縣朱胡氏作

沅陵李

桓 穀琳

燕子山頭天雨雪元精釀出松篁節桃花溪上千層  
冰眼光直射牛欄稜冰枝雪幹森如許天公都付胡  
家女胡家女勝奇男子十八于歸朱姓矣琴韻剛諧  
兩度春新雛未抱良人死翁姑彈淚哀孤兒婦不忍  
見高堂悲則口天壽天定之七人胡又傷痛爲旦暮

膝下陳婉辭高堂容易開心眉持門健婦承歡好願  
侍二人長不老妻殮藜藿旨且甘箴管酸辛嘗味早  
不辭紡紉聊自給縱無宿糧亦可保於今色養事已  
完三十餘年非草草一經回首悽涼多聲聲黃鶴堪  
悲歌柏舟之誓惟中河貞吉而外寧知他彼則父母  
求之苛堅志不撓將奈何此則家庭平不願慈善所  
積無嗟咤有節如此誰能過而況孝感通天和崇信  
義者嘉陳婦揚貞烈者旌曹娥人生節孝足千古轡  
軒所到須蒐羅詞壇表善空吟哦莫頌萬一顏爲醜  
願爲執事述縷觀仁風早向雲天摩吁嗟乎仁風若

向雲天摩庶使節孝彰嚴阿

前題

武陵胡公輔

去秋省墓登天門破曉來觀扶桑曦永定學博吾老

友爲予精點山南村

壬戌秋省墓至永定借費  
雪樵登天門山絕頂作

胡家

女兒朱家妻十八舉案同齊眉家無斗筲翁姑老夫  
于善病而黔黛病入膏肓勢不起求神欲代夫君死  
繞床一日九迴腸可憐泣作黔婁誄誄罷黔婁暗自  
悲家貧親老膝無兜夫死尙留妾身在妾不搨擋妾  
胡爲身勤女紅潔滌灑朝夕承歡雙親喜生事葵祭  
各盡誠朱氏無子爲有子孤燈獨對卅餘年冰霜凜

凛節愈堅我今爲母歌古柏舟篇我今爲母歌古井  
中泉君不見永定天門之山摩雲天惟有孺人節孝  
之高堪齊負

前題

沅江 李修煥

北風颯颯白日涼黃鵠一聲天蒼茫菱鏡擊碎朝無  
光直令巾幗生秋霜生願同生死同死夫死妾死長  
已矣夫有父母夫無子誰奉晨昏誰奉祀欲死不死  
心更傷起視四壁無餘糧五夜寒機鶯蟋蟀卅年破  
被斷鴛鴦妾義重如山妾心清如水椎胸大哭翁姑  
死爲未亡人告夫子

前題

聶光澧

維柏之貞維松之節哀哉宋母志矢冰雪一解詎年  
二十不偶而孀胡不遺死懼二老之心傷二解翁姑  
繼逝哀毀以葬血淚淋漓橫孤幃悽愴三解繫彼母家  
豐饒可挹面紡績自甘無需周急嗟兒女之并無復  
養殮之不給凍餒四解似此遭逢五解不知斯胡以榮頌紫語境  
逆事艱巾幗半凋竹影管以爲事二夫者告五解  
劉節婦詩爲謝大相母文氏作從練之孝廉請也

魏 湘

生於文嫁於劉婦年方十七夫病竟不瘳婦願身代  
夫偏死世德之家乃如此人并投繯分亦宜誰侍舅  
姑奉甘旨殉節易立孤難妾無出摧心肝夫有伯兄  
嫂有兒妾撫育之婚嫁之兒讀書母斷機薺甘荼苦  
兩不知孤兒漸長舅姑沒節婦飲恨淚成血兒娶婦  
婦生孫枯荻再稊續本根五十餘年精力槁老婦何  
須乞壽考劉郎有後餘事了鄉里爭爲請旌表嗚呼  
節婦之心金石堅節婦之名日月懸

彭氏貞女行

并序

劉啟培 心穀

吾邑彭笠雲名思燾原名大鑑與吾家舊戚自少

僑居都門娶宦家某氏生一女竟不再育女許字  
王姓某亦甲族也官白下久不反女年廿六王郵  
書約完婚卒不至旋髮賊盤踞金陵十餘年王郎  
存沒未可知癸亥春予北上女已三十餘歲以親  
老無子矢不嫁戊辰家練之還自都云其母復不  
祿女大慟勸父續娶爲嗣息計而女仍終養焉嗚  
乎如彭女者可以風矣余爲作貞女行紀其事

良玉豈不妍渾璞全其天幽蘭豈不芳中谷彌深藏  
自古蘭玉稱君子誰識之子思維美彭家有女淑且  
貞生長名門並阿甲阿舅外銀鬚美官阿父阿母非

單寒客居京華人物盛爲覓快婚意始歡王氏諸少  
多佳兒不容坦腹尙待誰父喜告母母告女婚嫁原  
不料愆期夫婿萬里覓封侯吳山易水兩悠悠有約  
不來歲廿六阿母爲女吟白頭今年盼望復明年惟  
望兒女早團圓哥哥終聞行不得薄倖王郎想無緣  
父曰嘻吾送女于歸女云予美恐亡此父兮畜我我  
願永瞻依母曰吁吾爲女別字女云之死矢靡他母  
也天只何不諒人意紅顏多薄命夫婿豈無情女又  
寡兄弟矢志願守貞不如將女作兒待朝朝暮暮猶  
聞女呼爺孃聲不呼阿妹不呼嫂四十年來雙鬢老

梅花氣骨冰雪心照人顏色皆古道蒼天有心試貞  
烈千淬百鍊煨成鐵老母死別又香聲老女枕尸淚  
如血弔客向靈酒三祝揮淚謝客起還哭端莊不作  
女兒態閨門凜若朝廷肅父女相依終慘懷多情老  
嫗魂夜啼烏鵲橋邊秋信斷杜鵑枝上月陰低秋深  
月黑鎖空房骨肉後事總茫茫苦勸老父娶女妻或  
者生稊是枯楊吁嗟乎伯道無兒命不辰不聞孝女  
終養親緹縈上書爲救父不聞中年未字人獨此貞  
孝两个備愧煞人間鬚眉類女而不婦世所譏畢竟  
女而不婦世所異况復

古旃節孝貞媛烈女相感召此女此事關性真尤堪褒美  
厲風教我願在史冊英靈青牛幻作石麟形阿姊抱  
弟時一笑攜歸梓里終餘齡回視故鄉荆璞澧蘭長  
好在葆我真性通真宰

花石歌

劉啟達 練之

邑東南三十里七姑山頂產花石上成草木紋其  
木高二三寸許高下斜正生動有致五色相間各  
不相亂下則豐草綠縹柔嫩可愛余見而具之作

長歌一篇

乾坤孕育數千年鍾靈毓秀人爲先次玉韞石珠媚  
川區區頑石奚取焉七姑萃律巉巖懸蟠桃古剎峙  
其巔上樓閣苑衆女仙下瞰零溪一流泉山骨盤結  
歲月遷造化有意巧雕鐫或如薤苳或如蕙荃或如櫛  
縱或似榎或竦或垂或芊絲或疎或密或鈎連紋成  
草木狀宛然紅黃紫白勝丹鉛底事石兄文采宣摩  
挲爲作歌一篇我歌數語石斯傳石忙點頭訴因緣  
女媧昔補西北天千錘百鍊大陶甄精者化作古雲  
煙麤者留與鎮廟堦寶光橫溢闊無邊驚起花神度  
翩翩一朝慳呼衆方前各附石體出大千唐殿颺颺  
松風穿夔壁婆娑樹影圓秦皇見之不忍鞭精衛銜

之不忍填懷核荔鬱新且鮮五土齊失長養權我欲  
下拜學米顛我欲俯拾同張翥我欲竹筥藏之堅懷  
寶定誇萬選錢我欲玉堂供之虔賦詩應遞十樣箋  
至誠在上物爭妍石羞竄陋伴枯禪不信片片小如拳丹  
青一幅養龍眠

榴龍歌

潘鼎銘 警齋

零陽學署傍城起門左仙桃門右李誰知桃李新陰  
外古榴偃蹇卧階砌前身生長葦珠宮何人偷出一  
枝紅照眼光華真燦爛非影非虎亦非熊蜿蜒既久  
勢欲躍元氣淋漓驚蛟鱉噴雲吐霧意態雄鱗甲森

張誰能縛我問玉堂天上榴吐花預爲鳳閣學士宣  
相麻此亦願作署中音聲樹虬枝歷亂高捲赤地震  
又聞邵武郡庭纒結實名在虎榜年年報消息此更  
願作署中旌節花鸞鳳齊向芙蓉鏡裏集况乃翹材  
之館在南邦拔取榘楠杞梓貢玉堂變化飛騰須臾  
事神龍掉尾破天荒君不見漢相廟中古柏鎮蜀國  
皴皮蝕雨參天黑又不見黃鶴樓頭仙棗留搜拏怪  
物風颼颼何如此榴尤奇異作其之而成大器他日  
蓬萊頂上奮翥遊定隨公門桃李學靈瑞

五言律

晚發武漢

唐岑參

客厭巴南地鄉鄰劍北天江村片雨外野寺夕陽邊芋葉  
藏山徑蘆花間渚田舟行未可住乘月且須牽

宿玉泉寺

周樸

野寺度殘夏空房欲暮時夜聽猿不睡秋思客先知竹迥  
烟生薄山高月上遲又登塵路去難與老僧期

天門峯

卽壺頭山

元楊軌

臨空有仙子白日醉雲關不貯金漿冷曾傾玉露寒摩崖  
猶倒影縹緲已酡顏夜見銀河色晴虹貫斗間

玉堂峯

仙者何人到雲樓百仞高  
窺觀臨石壁登陟屬吾曹  
治世多儀鳳魏基跨巨鰲  
天顏原自在揮翰不辭勞

漆園峯

南華未歷此何以得斯名  
應有石椽出可憐瘡樹生  
周官征有算武庫藉成兵  
一上巔崖望如雲蔭寧明

仙人峯

一自鴻濛剖尋幽木石間  
琪花開滿樹白鶴過他山  
出洞龍駒濕循阿鹿子斑  
逍遙太清裏冠佩倚雲端

將軍峯

草木蔽膚體應如披鎧  
身陣雲扶弱晉唳鶴走狂秦  
殺狀欵千載驚風敵萬人  
捭機長獨立呵護有山神

彌勒峯

鵬立山椒望天低萬里沙  
過雲遮豕腹飛錫護晨霞  
猿獻崖前果鳥啣風外花  
不須新梵宇此景屬山家

筆架峯

神物鐫刻巧渾無斧鑿痕  
獨便毛穎卧並撥戟枝屯  
木假山難比支房寶自尊  
詩家評品利奇絕冠天門

淩水亭

步李支山原韵

劉宗文

清澈江疑淺亭高見水紋  
洗人衣出照地不痕  
曠漁舫

將歌去流鶯送語聞客來應載酒長嘯倚蒼筠

燕子巖

黃孟舟

洗石空江碧青山誨遠遊一岩深似室六月冷於秋  
薛壁鑄詩古松風響澗幽晚來蘿氣重明月島中浮

梅山燕崖

李有朋

玉斧鑿幽室岑高龍影侵到來方丈地覓去幾千尋  
石補窟室魄軸搖遺穴陰洞天如有路何處得仙經

通濟橋

一枕郵亭雪山空夜氣平雁拖寒曙色雞渡隔溪聲  
榻冷神偏靜窓虛夢自清一津通石腹行止此中明

白馬巖

石壁誰圖景翻成駿骨懸玉鬚邀鶴影銀甲帶冰涓  
西竺馱經後擅溪躍浪還直辭御府參金勒不相牽

聯環洞

于應陳

誰作聯環洞雙明透碧峯化形留幻佛脫骨卧泥龍  
壁繪天花巧泉流石乳濃宿緣容吏隱來此躡芙蓉

柳枝泉

直從桃葉渡分出柳枝泉元竅幽無極綠波澄可憐  
曹溪吐香液玉井秘金蓮不盡窮源意浮槎未有緣

出谷亭

危亭懸峭壁崖壑此平分路曲行穿石窓虛坐得雲遠峯  
階下見落水洞中聞胡越爲家日何妨醉夕曛

雲朝山

失名

此地開天險層樓壁立奇路從樹杪出人向畫中移伐木  
旋爲牖嵌岩卽可炊何當泥滑滑羸馬任馳驅

燕子洞

失名

玄關闕幽渺此地得崑崙碧星挂氷柱青蓮凝露盈境虛  
雲護石客至鹿迎門漫覓普陀去吾心有耳根

登太平山

葉瓊

寺倚懸岩古溪連瀑布奇幽篁襍翡翠古樹盡虬螭苔壓

長廊足雲封曲閣眉鐘聲並梵唄爲我啟詩思

茅花界

陸文超

溪澗層層曲山行節節高口啣膝與下足仗手均勞谷口  
雲眠白林中鳥語嬌萬峯羣拱立俯眎渺嶺堯

五雷山

失名

天地勿嫌小登臨擬碧穹斷碑藏石穴古樹蓋晴空翠擁  
千峯上蒼流萬壑中烟霞頽極日塵世有崆峒

琵琶洲

失名

兩水分瀟灑悠然環此洲無絃彈夜月有曲賦清秋鷺跡

續修慈利縣志

過野牛關有感

李有朋

豈是青牛渡垂崖一徑分茅花飄嶺雪松葉墜谿雲人卧  
豹狼窟鷄棲鳥雀羣邊庭成樂土陰雨幸無聞

九谿舟次晚泊

黃漢

片帆如畫裏柳禿暮烟焚綠水煮紅日青山帳白雲維舟  
依酒市登岸向斜曛天際孤飛鳥哀鳴亦喚羣

九谿道上

嶺樹深無極巖同百二關馬蹄積雪裏人跡白雲間石聳  
干尋峭谿迴九折灣崎嶇心不覺惟見鬢毛斑

前題四首

曾三壽

朝尋羣峯露行行看曉粧流隨山意曲瀾激石牙在翠岫  
雲簪髻丹岩綠襯裳輕舟搖曳遠春色共溪長

舟自石門上盤迴一罅行天光如正練岩勢似欹棚人語  
山能學雲蒸石自烹一宵風雨後兩岸怒潮生

千山一水折漸入向幽奇削壁矜如怒危峯飛欲離頽唐  
卧瀾石欹側睨天碕處處管心目尤憐風雨時

溪路皆逢雨看山雨亦宜雲縫巖盡合苔潤壁皆縞小瀾  
清音發嵌岩迅瀑垂畫圖誰得似幽趣自相怡

晚眺紫駝峯

朱正元

向夕煙光澹流霞著影長深林而鳥雀歇牛羊嵐氣

空含赤谿光晚送香一鈞初掛月炯炯上山陽

長冲谷

陸文起

鳴鷄催野店曉趁月行先馬足磷刀石露珠點厨種草茸  
溪失路雲密樹亡巢望穴披榛出人間别有天

飯甌山

失名

壁立羣峯外蒼茫霧色開蒸雲憑急瀨煮石糟香煤誰是  
調羹手空存鬘尾材如何有漂母每爲王孫哀

仙侶洞

黃漢

何年仙侶出遺洞至今聞永世祛塵事長年宿古雲松聲  
猶帶語蕙馥豈凡券只此真幽邃無須問阮君

出谷亭

田宗文

鳴榔隨曉浪出谷此登亭洞自仙爲侶人漸客是星月華  
虛動白蘿薜半垂青放逐憂譏者悽然咏采苓

自生礫

李有朋

春溪山徑沒嶺上飄炊煙野水雲中出懸巖樹杪連竅應  
金牛鑿石笑祖龍鞭此去天台近何時許結緣

燕子洞和郭明府原韵

劉長城

勝跡遺仙譜川六洞天本巖特地看出幽新路細傍險蒼  
巢寬泉氣蒸衣濕人光射壁寒貪臨鏡水影月照露團團

和巖寺原韵

巖寺原韵

寺後饒奇石門前蔓薜蘿幽房留客少古木得陰多悅性  
看飛鳥澄懷對遠波忽聞天籟動梵響雜高歌

夏日洞披家兄萬鍾宅阻雨

萬壑風聲滿千崖霽氣迷漲深全失岸瀑怒不循溪斷徑  
懸山遠危橋去水低大兄多旨酒細酌聽鶯啼

夏日登龍鶴寺懷友

劉勉之

深林藏古寺高翠獨攀躋曲水通幽壑斜陽下短梯雲連  
千樹碧天壓萬山低安得知心侶開樽對月題

周諒

魏湘

奉命湘州去成仁可殺身細民能此舉在位竟何人義烈

冠千古忠貞致此身天門山不朽俠骨共嶙峋

周尙書叙

伏闕臣言憇南巡拜杖先自甘同死罪何意得生全登極  
逢新主賜環享大句芳型欣不遠私淑意彌虔

脚迹岩

王南川

想見凌波態靈岩碧蘚遮香塵三徑軟明月一鉤斜佩憶  
珊瑚玉蓮生步步花仙容如可接惹我幾停車

遊燕子洞廟

梵宇真幽絕名因燕洞傳茶烟颺靜室

寺僧於正月花雨  
燒香者待茶

落諸天未禮金身佛先參玉版禪歸來天欲暮蘿月一

懸

城內四景五言絕

金蓮山

劉啟奎

春垣

荒城環繞盡一山  
挺如拳愛煞金蓮好  
疑生咒鉢邊

山在鐵佛寺後故云

八卦井

羲畫兼文象陰陽二氣  
該我來臨古井妙理細推裁

桂香樓

百尺重樓迥秋風  
桂蕊開好從最高處  
穩奪一枝來

荷花池

一碧盈盈水荷花  
點綴多誰當風月夕  
來此聽蓮歌

城外四景

琵琶洲

雨水環流處琵琶一望同分明  
彈不得猶唱大江東  
鴛鴦浦

泛舟臨極浦水色靜含暉  
最是多情鳥朝朝比翼飛  
芙蓉渡

滿目芙蓉發秋來采采頻  
不信江頭客依然鏡裏人  
觀嘉渚

宿雲散芳渚水月自雙清  
莫道風湍急天開一鑑平

白雲川

傅子齡

小立西城望青山擁白雲  
纖塵全不染一色妙氤氳

紫霞觀

古寺一鐘鳴觀前霞幻紫  
赤城何處尋鴛起長天裏

鐵佛寺

佛形鐵鑄成佛座金蓮見  
歷劫超人天此身真百鍊

玉金山 在十九都西連山勢極陡峻

峭壁如刀削嘉名錫玉金  
登高一長嘯列宿入胸襟

七言律

韋明府餽東陽潭石鯽膾

李羣玉

錦鱗剛餌出清漣  
暝日江亭動繪筵  
疊雪亂消飛筴底  
散絲繁灑拂刀前  
太湖浪說朱衣鮒  
漢浦休誇縮項鰻  
雋味饒珍知第一  
更勞霜橘助芳鮮

天門靈泉院

周 樸

華亭叅後最幽元  
一句能教萬古傳  
猿抱子歸青嶂後  
鳥啣花落碧巖前  
雖知物理無窮際  
竊恐滄溟有盡年  
為報五湖雲外客  
何妨來此老林泉

領聯語見藝文

南樓二首

周 樸

看山到處喜相從，又是天門十六峯。  
翠壁深深回鶴鶴，青峯矗矗隱芙蓉。  
乍疑日出同兵觀，只少金泥擬漢封。  
願借仙人杖九節，臨風直欲舞雙龍。

徙倚高樓夜色殘，故人聊得罄交懽。  
千林日落晴偏雨，五月雲深暑亦寒。  
詰曲斷巖飛鳥渡，參差倒影過江看。  
慚予浪着登山屐，酒罷豪吟興未闌。

天門曙色

慈陽舊八景

朱

蘊

番陽人

間闔晴開曙色濃，星收華蓋月朦朧。  
仙鳥栖樹扶桑白，羲馭推輪出海紅。  
紫氣曉蒸三島暖，清光晨湧十洲同。  
壯遊記得蓬萊境，石屺雲關有路通。

星石晴暉

一片晴暉擁石頭，星芒幻作古林邱。  
光連壁月天垂象，彩耀銀河節屆秋。  
浴影澄潭驚客夢，分輝遠岫豁吟眸。  
長庚留向瓊山照，太白雄才孰與儔。

羊角樵謳

樹影深深靄夕霏，薪蒸牢束下山時。  
功名一瞬南柯幻，富貴千年鹿夢迷。  
趨徑晚隨流水急，行歌春傍落花飛。  
觀棋歸去誰忘路，一任滄桑變是非。

鴛浦漁唱

渺渺鴛鴦漾漾碧，流漁歌聲裏。

乃翻成白雪詠俯唱遙吟真絲調斜風細雨此孤舟別情  
落日黃蘆岸一曲烟波數點鷗

嘉渚烟樹

鳴珂古里繞江村目極平林欲斷魂近鎮林樾朝霞合低  
涵澗澹晚烟昏鷓鴣曲絕湘南調鶻鷹聲寒莫北門回首  
舊時金谷地綠陰亭院長苔痕

駝嶺霞栖

嶺上霞蒸五色飄平分高閣護岩堯建標隱起連秋壑伴  
鶯飛來帶晚潮漢苑好居三殿隔仙臺頻望赤城遙登臨  
幾度留佳興縹緲聲簷綉絳綃

兔座松泉

清分兔魄月光斜隱隱松陰谷口遮琥珀氣寒侵峭壁茯  
苓風暖入山家元霜擬搗裴航杵活水誰煎陸羽茶何事  
晚來三窟地百川騰沸浩無涯

燕巖蘿月

烏衣巖畔碧苔乾古樹陰籠兔魄寒翠蔓含輝懸寶鏡青  
龍挂影照冰盤梁王池上韶華促瘦叟樓頭酒興闌惟有  
蛾眉千古意清光常得半輪看

風洞

李有朋

山勢嵯峨接昊穹何人巧砌了虛宮峻嶒陡立千尋石幽

邃潛藏一洞風泉滴巖根疑雨噴壁懸天眼半雲籠欲窮  
極底深無際覺處方知大地空

行部九谿登南樓

陳世蘊

饒歌鼓吹咽江流小隊元戎此勝遊天設畫圖山遠近地  
蒸嵐氣樹沉浮胡床不淺元規興邊徼寧忘杞國憂更上  
一層行極目巴邱今日是

州詩刻九谿南門碑  
餘一字似并

三谿泉

李有朋

聞說洞庭通震澤豈知滌口貫錢塘一泉三竇潮盈縮百  
里九溪流短長山寺沼深秋月冷石田膏潤晚風香此中  
應有蛟龍窟滿壑雲生出夜光

行部賑饑

岳州太守陸 槲

單騎減從出東關餓殺窮民不忍看十里路埋千百塚一  
家人哭兩三般狗啣白骨魂猶在雞啄青膚血未乾寄語  
朝中諸宰相石人無淚也心酸

勸民

蒸飯何如煮粥强大家捱過這饑荒兩餐分作三餐飽四  
日餘成六日糧有客來時寬着水無茶烹處可爲湯岳陽  
太守言雖俗教爾災黎得久長

仙侶洞二首

尙書周 叙九谿人

崖傍溪城東復東層雲絕壁探虛空乾坤老矣新秋月草

木悠然暮雨風坐石烟花空有跡入爐丹藥竟何功分明  
一枕遊仙夢移向山溪指顧中

挂壁虬龍路可援石扉斜處恍通軒不須鄂渚招黃鶴自  
有西湖喚白猿三楚古來多福地九溪應卽是仙源欲尋  
漁父澹浪處幾度問山山不言

出谷亭

仙凡咫尺鎖樓臺偶放孤亭出谷來松頂鶴歸常帶靄窟  
中龍吼恍聞雷石凝鍾乳當筵墜露滴瑤花掛壁閑坐愛  
湖天如鏡裏清風時至掃蒼苔

花石

野嶺巔岫楚望賒涉江還約訪仙家衝泥漫踏溪邊草掃  
雪重看石上花三島寒光浮玉液五城春色競瑤華桃源  
咫尺南征路莫以簫韶答塞笳

仙人峯二首

邑孝廉 王言徽

龍潭石腹劈幽堂碧嶺丹崖列兩廊繒避已占鴻漸篆塵  
揮更誦鹿牲章參差山色將羣翠鞢鞞泉聲併小瑯中隱  
和靖詩處士想題爛壁幾千行

衆峯不敵此峯高傳說仙人駐節旄常把芳名紀誰  
將妙訣解天弢未聞鸞鶴翩躚下但有猿猴斷續嗥服餌  
山中人已去摩霄頂上覓丹桃

登五雷山

邑令曹邦

非干空谷足音傳  
隱隱殷其地有天馬首滴鬃  
和雨潑劍光射斗與星  
聯轟轟日御行邊度  
轟轟雲軒坐下懸消息  
箇中誰解得冲霄  
仙吏有奇篇

甲申之變哭先帝於慈陽六首

劉瑄

訛傳京國事浮沉  
信信疑疑仗古鐔  
入仕未酬恩若海  
覆苦有夢涕如暗  
時于丁內艱 滅衣別染侍中血  
立後誰同杵白心躬睹吾皇  
明聖事撫求理數殊陰霧

十七年來百事創  
榜題薪膽殿前張

帝書即新嘗膽四字於文華殿已除

萬旅徒無白誰救  
諸方巾欲黃天厄  
堯湯只水旱祥如漢

亦亦靈長驚心冥  
漠無消息修短何人問  
梓萋

金臺晉錫纔從天  
輾轉羈愁繞帝前  
立法多規煩衮職  
籌邊失策仍蟬聯  
隴西問斷舊鸚鵡  
巫峽啼殘老杜鵑  
無計立階髮欲白  
摩挲古劍但潸然

甌脫無驚祝盛時  
蒼黃問鼎出屠兒  
宗存百代身為末

時傳

三太子 道在千秋帝是師  
輶道素車徒繫組  
延秋胡餅不出奔

堪炊縱然靈武能  
取復誰是官家郭子儀

疾風勁草自崢嶸  
南向猶夷鼎就烹  
多壘豈能獨力禦  
無君何事更求生  
緋衣班裏孫供奉  
試馬殿前雷海青  
食祿死官今日事  
愧予家食猶耕耘

進袖中表已成諸公宦計在危傾筆談忠孝信如訣策  
殿庭曾一鳴趣駕汴杭空千孑降心莽卓豈功名半生  
矢足應難贖此後倚誰收北平

哭何中丞

諱騰蛟貴州黎平衛人

國露危時兩鬢班傷心自計不生還驕裨淘虜千行淚  
餒卒啜脛百計艱賦就長沙悲賈傅歌成正氣續文山大星  
已落軍前照尙說身鑿日月關

招撫

袁 彪

新市谿流衆壑通兩崖破壁傲天風愴懷陵谷滄桑異極  
目鶯花今昔同持節有心驅瞎馬撫時無計返哀鴻誰憐

亦于瘡痍甚廣厦千間覆庇洪

禱雨有應喜賦

自是民貧天所憐豈因禱祀降日泉昨宵微報永添潤今  
日爭傳米減錢農子初欣得飽胥屯莫遂括餘田殷憂  
極目兵荒後執筆難書大有年

又

谿嶺漸爾布層陰半頃風雲已作霖靈響自闕民社福歲  
豐足慰老農心慵成喜雨一篇賦快讀幽風七月吟從此  
可期黍稷熟苾芬擬薦神明歆

興國寺題壁

周 叙

倚醉扶筇入寺遊，滿腔詩思壯心頭。  
放一聯不我收寶劍，窮時連鞴賣微書。  
有日待圖求玉階，得進三分地，挽轉唐虞第一流。

鶴瑞

家剛有池積石爲山松柏皆茂鶴巢其上  
叙巡撫遼東時鶴生二雛家報志喜

蓬島飛來不計年，竹松相伴自依然。  
平安已報庭前瑞，飲咏真如海上仙。  
東圃烟霞應羨汝，厚山風月敢論錢。  
靈籬幸育昌休日，我亦丹成歸結綵。

雷山草堂

于應明

插雲峭壁擁層陰，山雨徐行不厭深。  
拂面葛藤鋪若繡，清心鳥語韻如琴。  
茅廬線透寒生玉，石室霞侵絳染金。  
卻訝

山深絕雞犬，帝城喧鬧到於今。

道人巖

皇甫珪

道人藥熟卧雲關，姓字空留木石間。  
一片赤霞飛碧洞，幾行青鳥過他山。  
巖懸松樹形偏古，藤挂冰桃色更斑。  
丹灶苔封餘白石，堽門日日望仙還。

弔谷烈婦

閻秀王蘭若

斷臂投崖往蹟垂，村娃何事渾同之。  
全名直覺心非石，碎首頓忘麻有兒。  
蓮出淤泥花獨潔，蘭生幽谷品尤奇。  
不繙姓氏留青史，楊管停針倍可思。

紫金山

儒學余國棟

何代名臣老賜環  
履金拖紫入深山  
姓名未落人間口  
解履猶留印壑間  
豈有神仙燒大藥  
應教子美麻衰顏  
辦錢教買烟凝處  
乞取山靈白不慳

### 桂香樓

若箇梯雲上界遊  
拾來寒蕊落重樓  
天孫綵段秋芳景  
老鶴根橫月窟幽  
露濕夜梢香冉冉  
風飄畫閣影悠悠  
廣寒勝境應如此  
一任仙家玉斧修

### 鴛鴦浦

湖州同知吳敦儀

菴姑另是好風光  
極目山高溪水長  
崇葛回環蹲虎豹  
澧淩會合瑣鴛鴦  
千林艷色桃初灼  
一帶濃烟柳半黃  
退食

山公欣有暇還將美景貯奚囊

### 弔于烈婦

邑貢杜仲芳

臨事捐軀苦自甘  
汗青古道直無慙  
貞魂頗遠鴛鴦浦  
烈氣應清猿點潭  
赴難一朝明大義  
讀書萬卷受譏談  
而今多少奇男子  
誰把綱常一石擔

### 登五雷山

朱劭濂

問道武當聳碧空  
五雷宰律暑相同  
千尋仄徑穿雲霧  
百丈飛泉潑雨風  
石壁嶙峋秦國寨  
香烟縹緲梵王宮  
晴光更豁登臨日  
萬里河山一掌中

### 仙侶湖

高真董儒珍

老巖下透石罅東今古瀟然四大空有路不須漁父楫無  
簾偏掛武陵風乾坤衲補經輪力日月鞋忙造化工惟有  
蓬壺無敵剛悠悠常鎖白雲中

鳴鳳山

黃漢

九嶷豈海九苞儀丹雘無如此岫奇春到花繁披五色夜  
深松韻引雙吹文明普著翔鸞化秀毓將呈鳴鳳姿自昔  
休徵今協應長瞻拱峙瑞皇維

春日遊燕子洞步鄧純老巖韻二律

李時久

千年石洞今猶在我值公餘偶一過迤邐繞山潭 黛嶠  
巖傍水有環阿依人乳燕迷華屋山谷流鶯 翠蘿欲向

此中消俗慮紛紛吏事竟如何

石巖舊有吟題在鎮口渾無車馬過芳草依依迷野徑閑  
雲靄靄出山阿空餘古洞留仙跡謾看碧崖長蔦蘿樽俎  
欲邀嘉客話逢人便問客如何

又自詠

嵯峨峭壁矗雲開自古名爲燕子巖想見畫堂戀玉去空  
餘古洞引仙來石如亂粟生成種地若 就苔門外  
桃源通鳥道欲尋遺跡上天台

遊燕岩二首

澧州刺史周仲璉

層岩竅曲境全殊一種寒香凜玉壺木扣銅魚人語響乍

飄銀月燭煙孤神工鑿處連三匝寶相懸來另一途徑路

不知誰歷盡桃源直到亦曾無洞凡三轉內有石鼓及倒座大士像

選勝當年逸興殊瑤篇幽潔仰冰壺數聲泉滴驚濤猛一

辨天光透頂孤舊燕已經飛別院高風何止闢荒途箇中

清賞誰能繼遊徧神仙窟宅無誌載潛為神仙窟宅云

春日遊燕巖和周刺史原韻 劉長城

郭外尋春得境殊競傳燕洞似方壺披花古石稜稜瘦穿

壁新雲裊裊孤幾點鐘聲清幻想洞中一石類一痕天影

照迷途洞中一隙通光從茲逕入桃源路不向山僧問有無相傳此洞

與桃源洞通

### 茅花界

邑侯 劉繼聖

峭壁層巖面面遮長拖一帶幻龍蛇危峯信出青天外遠

嶂疑連碧海涯剖竹分符我作牧結茅成舍孰為家險途

莫怪王陽說到此王陽亦返車

### 擎架山

于翺鵬

誰將彩筆搗山嶺一架稜稜斷復連空際揮毫雙管卓峯

頭濡墨八叉聯雲根奇巧裁之石雨後淋漓學士箋為問

幾時才脫稿珊瑚撐向蔚藍天

### 咏石筍

訝看雲母石磷磷陌上雙蹲筍逼真負郭有人叅玉版卧

吾何日長金筠形撐格磔排空峭光削琅玕出節勻成竹  
不須山谷咒座前贏得四時春

燕子洞

在縣南三里以舊有燕巢故名昔有仙人修煉於此白日飛昇

南濟漢

居人曾此祀高禱元鳥不歸洞自開燭火驚巢飛白蝠滄  
洲滿壁畫青苔道成仙客乘雲去地勝名流著屐來何幸  
山靈偏假我三年再至久徘徊

觀音相

在洞石壁上若世所供白衣不假雕績毫髮悉具

洞深長貯落迦春湧現菩提化出身寶珞莊嚴都是幻慈  
悲面目本來真堅留壁影千年在澹著白衣萬劫新縱使  
龍眠工寫照猶嫌色相墮凡塵

石鼓

洞有員石高可三尺以布濡水擊之鞞鞞有聲

片石相傳剖太初濡巾試擊響非虛刻桐不襲臨平製勒  
篆宜摹史攜書節應鈞天涵古韻靈鍾大地托幽墟遊來  
尙此硜硜抱憑仗神鈕一起予

石鐘

洞頂有員孔上秋下濶宛如鐘形

制傳鳧氏出金鎔石室誰知有異蹤員貯月輪天上窟齧  
殘獅紐古來鐘鯨鏗長傳游水籟寂時鳴礪壑松志士  
功名期不朽高瞻宛對孤嶺峯

玲瓏石

在洞左壁如幻如出鏡鑑

天巧由來不可階斷將山骨挂蒼瓦依稀霽曉觀雲態宛

轉秋空對月懷君使友機花樣具儻教架筆錦心借巖端  
細溜穿仍滴似玉聲聲聽亦佳

桃源徑

洞左有水洞土人云徑達古桃花源約五六十里

漫說幽彝境易窮神仙窟宅可潛通蛇盤腹洞停雲黑桃  
綻前溪隔岸紅何事裹糧淹信宿只應秉炬辨西東昏衢  
究竟誰經過合向江頭問釣翁

桃花浪暖鴛鴦浦

得雙棹前二首

朱劭濂

桃花初吐錦旂幢瀟水北來滙澧江官渚朝晴含宿霧漁  
舟晚唱弄新腔春融水國光搖岸雨霽山城浪拍愜極浦  
波不堪愛處鴛鴦對浴一雙雙

鴛鴦並翥澧江西千載桃花浪裏啼碧浦朝飛風款款芳  
洲暮宿草萋萋籠煙綠樹隨波湧倒影青山入望低問爾  
何時戢雙翼瓊林肯借一枝棲

柳絮風輕燕子巖

得峯青前二首

聞說城南第一峯燕巖崩崩白雲濃清風斜舞千條絮削  
壁倒垂百尺松蘿月崖前通古寺

舊八景燕巖蘿月胡麻洞口認

仙踪

新八景洞

深林叢薄無人跡時聽呢喃襍曉鐘

柳色纒黃草色青無邊飛絮到山亭燕巢石壁泥痕古巖  
拂春風野蕊馨俯瞰澧江橫匹練平臨筆岫從雲屏漁人  
白去桃源後洞口如今尙木屑

零陽書院新成余覓得紫薇一株古致磊落若了無  
生機者既乃密葉繁花迥異尋常喜而賦之

皇甫如森

柯似虬龍腹似蛇輕紅淺碧覆簷牙遍開夏月經秋月時  
吐新花續舊花種向玉堂香拂綬移來費舍艷流霞他年  
畫省人多少此日秀靈兆物華

百丈峽

夏子雲

尋常山裏數青峯玉筍成形插楚封澗道凍雲沉白日寺  
門長坂度疎鐘古苔一望迷幽壑峭壁千年挂老松玉壘  
匡廬曾浪跡巨靈移嶽此重逢

前題

邑孝廉 褚延泰

削掌崢嶸不可階年籠萬狀迥無垓羣峯歸劣森春筍一  
壑奔流吼夏雷徑闢羊腸多白石巖懸鳥迹半蒼苔雲煙  
繞處仙踪杳丈尺何人細數來

賀李邑侯喜雨

皇甫如森

五旬長夏苦炎曦步禱心虔帝相之霹靂一聲風迅處矇  
矓四合雨來時禾苗乍轉田間色婦子已揚隴上眉遙想  
琴堂雩祭日農圃清夜起嗟咨

和陳前莊學博沿鄉講約元韻

千山巖巖帶長川邨落如雲萬井連要使民風歸古

續都新

聖訓廣傳宜使人聽處全憑舌爲已任時難息肩護道奉  
行成故事

天威凜凜輝奉前

廣文離道是開官敷教應令萬姓安十六條同星日  
耀百千言作典謨看愚頑側耳心皆會奸宄聞聲膽  
自寒此舉知君能盡力換人情性語如丹

前題

魏萬涵

化雨濃沾漢灑川耕惟高教與雲連人文已藉金鍼  
度

天語還資木鐸宣善誘兒童思舉踵敬聽父老樂隨肩遙  
知教洽羣黎後定兆三鱣絳帳前

讀法由來著地官於今再舉衆心安青衿待誨垂紳  
立白髮聞風擁杖看但冀

綸音編戶喻何妨客舍坐氍寒還醇返樸歸師道字字性  
真換骨丹

庚辰夏六月往三都講約紳士分班行禮鄉民靜聽  
心甚暢然講畢見壁間有前任陳南莊先生詩句讀  
之佩服歸署後依韵和之以誌一時之樂云

向魁鼎九峯

一路看山又涉川  
豆棚瓜圃萬家連  
豐穰已慶皇恩洽  
瞻拜頻將

寶訓宣共聆

王言咸側耳羣欽

雅化喜摩肩壁間剩有南莊句  
讀法應知早在前

半榻雖然號冷官  
民風士習儘相安  
祇今鵠立隨班講  
豈必鴈行挂笏看  
香送稻花清且馥  
風和苜蓿暑仍寒  
懋昭彝訓遵

王道教澤何殊九轉丹

講約次日蕙窻魏先生  
招飲旋出和南莊詩相示依

韻奉酬伏乞誨政

風滿平疇日滿川  
寒暄幾度共留連  
春濃棧樸

天章倬化被菁莪  
教澤宣望重已欽三品貴  
才高共羨一

囊肩

綸言讀罷金聲振  
鐸響旋聞講席前

自來桃李屬春官  
教學何能計便安  
風雨盡從忙裏度  
鬚眉愁對鏡中看  
先生屢愁鬚白喜邀木榻長  
偏爽愛醉

瓊杯酒不寒  
更擬秋高重聚首  
此時多半葉如丹

遊燕子洞

魏萬涵

亭亭石洞聳巖阿  
勝地真宜著屐過  
古道秋深青蘚積  
寒

泉夜靜白雲拖千年老樹環庵寺半壑蒼烟鎖薜蘿爲問  
武陵迷路客仙源風景較如何

石筍

秀毓坤元不計年幾竿削出拂雲烟森森玉立疑參茁節  
節苔封似籜纏拔地靈分鷲嶺桂干霄勢接華峯蓮丹邱  
好住尋幽屐料有人叅玉版禪

鴛鴦浦

慈陽雉堞亂峯圍中有鴛鴦繞郭飛燕洞多情遙作伴羊  
山無意近堪依千行綠柳黃鸝語一帶晴川白鷺歸逐去  
碧灘溲澧合雙雙欲抱琵琶揮

續增八景

雷嶽夕曛

劉啟奎 春垣

五嶽歸來興不窮看山看遍故鄉中一天日色含殘碧百  
丈雷屏挂晚紅宿鳥翔環峯遠近暮猿啼徹樹西東忽聞  
上界鐘聲動隱約銀蟾逗梵宮

竹灘夜響

凌空樓閣傍江開一枕高眠夢乍回渺渺清流烟渚外悠  
悠逸響水雲隈每隨鳴漏風前報常伴漁歌月裏來試向  
竹灘翹首望鴛鴦猶自臥莓苔

竹根灘卽鴛鴦浦

羊谷蒸雲

欲占靈雨且占雲羊角山前入望殷醞釀深時爭出岫迷  
離到處自成紋擬從釜上覘蓬勃旋傍馬頭散郁紛莫道  
天心非易測陰晴消息此中分

奎樓霽雪

漫天飛雪下雲端屹立奎樓入畫難大地新添風日暖浮  
光仍射斗牛寒濃烟捲處銀成柱明月邊來客倚欄千里  
河山都在目阿誰更上一層看

涪泉湖信

三涪山下水泉肥湖去潮來信不違倒湧鯨波驅月上直  
從龍洞山下有龍洞破雲飛連宵漸長溪流勢歎丈疑增鐵馬

威強弩三千能射否澄觀終日幾忘歸

桃洞絃歌

荒村何處有絃歌一帶桃溪策蹇過佳句尙嫌囊底少好  
音偏出洞中多地接仙源花競秀人聽法曲韻無訛當年  
逸響如堪續吏治豈慚言氏科

仙侶幻奇

爲愛人間小洞天行逢仙侶意忻然青山碧水翻新樣藥  
灶丹爐話舊緣古木無聲聞鳥語空潭瀉影識龍眠中有臥龍潭  
此中奇賞真難盡留待吳家畫筆傳

筆峯聳秀

羣山羅列九谿東卓立一峯筆止同高插層霄形突兀倒  
涵秋水影玲瓏流雲繞岫疑翻墨古壁生花好判紅安得  
青天能作紙書成飛白滿長空

登雞雲山絕頂

于翼如

扶着肩輿側復平探竒不覺此身輕峻峯當面如人立小  
阜圍腰似蠶行嵐氣淋漓渾一色河流綿渺澹三成山頭  
月比車輪大照澈層巒分外明  
破曉攀藤露氣寒須彌世界眼中寬危疑天姥萬千丈高  
聳岱宗十八盤轉恐詩狂驚帝座翻誇脚健躡雲端趨來  
大快登臨興莫作尋常落帽看

姜女廟

廟貌巍巍對夕曛孟姜節義昔時聞貞同化石凝霜雪羞  
向陽臺行雨雲萬里邊牆空自築五經書卷幾曾焚祇今  
危嶺凌西塞惟有山花猶伴君

慈利懷古

嚴關鎖鑰翠重重拱抱千峰與萬峰黔蜀南來天設險荆  
襄北去地朝宗雲橫鷲嶺盤幽鶻雨過雷屏起卧龍忠勇  
威靈呵護在清明歲歲拜遺容

開鑿何須問混茫河源星宿濫於觴琵琶風起琴絃潤鐵  
塔雲涵草木香人物三朝懷顧夏衣冠千載祠毛楊昇平

不見烽烟警巖谷成田遍稻梁

桃花浪暖鴛鴦浦

姜炳筠

桃花依舊笑東風滿目繽紛入望紅浪覺魚鱗香馥馥漲  
添鴛鴦暖融融二分春色仙源外三兩漁舟暮靄中却喜  
前川雙宿處一枝倒插水晶宮

柳絮風輕燕子巖

垂柳毵毵分外青飛來絮影滿山亭一天晴雪風傳響百  
丈燕巖石作屏雨霽松雲侵佛座烟濃藉月淡禪榻胡麻  
洞口誰通屐瞥見長條舞不停

游聖化寺

劉璇廷

白雲層疊障巖阿躡屐登臨路不訛古寺寂寥仙自在禪  
關幽邃客無多一團栗影空中現五夜鐘聲靜裏過到此  
塵懷應盡滌從前歲月悔蹉跎

鴛鴦浦漁唱

魏相之

誰送新聲入棹歌漁翁蓬脚逸情多斜陽一笛橫鴛鴦浦涼  
月三更泛綠波兩岸蒹葭秋澹蕩孤舟絃管韻清和乘槎  
覓取雙栖處好聽仙音發素娥

曉嶺霞紅

五色軒軒入望餘層崖一片爛朱霞赤城天半標曾立駝  
嶺峯高影漸遙連雲騰彩鳳繽紛滿眼射金鴉登臨

題詞詩清遠江上青樓夏楚樓

羊谷蒸雲

非烟非霧妙氤氳羊谷深深瑞靄凝  
露華漫養花香同細雨閒  
散紫朝郎晴雲魚鱗重  
處難應徑馬首生時映  
蘇紋何日  
從龍圖鳳順蓮萊五色  
瞻奇文

精農雜月

亭亭古洞鎖嚴巖此地偏宜好月  
衡古木千章森鳥道清  
輝幾片映松杉  
俠人燕子今猶在  
桂壘蟾光影自緘  
聽說  
仙源通一徑箇中  
處處是神仙

奎樓晚眺

王南川

零陽晚景擁晴樓山色湖光總是秋  
一徑蒼烟曾野寺半  
篙綠水送行舟虹橋人語斜陽外  
鴛浦漁歌古渡頭幾度  
憑欄看星斗  
文光炯炯照瀛洲

鴛浦漁唱

高歌響徹澄江邊驚起鴛鴦對對眠  
楊柳清風朝弄笛桃  
花春水夕歸船長河日落星臨渚  
古渡烟消月浦天渺渺  
峯青人不見餘音入浦尚悠然

駝嶺棲霞

晴霞片片漫空生駝嶺迴環孕秀  
靈瑞彩遙分初日紫餘  
光返照暮山青人將好景供詩料  
天送奇文上畫屏孤鶯

齊飛成麗句滕王閣上倍瓏玲

鴛浦漁唱

寒柳章

也學鴛鴦宿浦東  
琵琶洲外幾漁翁  
數聲低唱斜陽候  
一曲遙傳小艇中  
放棹中流歌夜月  
乘槎有客嘯長風  
老來閒却絲綸手  
大半生涯寄釣篷

桂香樓

百丈峻嶒一古樓梯雲擬向廣寒遊  
果真攀桂稱高手直許題名列上頭  
老樹也能兆科第奇材多半此勾留  
還看得意春風裏杏苑探香擁八鷗

荷花池

荷池依舊傍城隈  
撲面香風陣陣催  
皓月爭看篩影上  
青錢猶記點溪來  
最宜聽雨花三面  
合泛凌波酒一杯  
風露晚涼誰采取  
紅雲萬朶護仙材

登黷雲山

朱上瀛 柏雨

枕瀟帶澧鬱崔巍誰割南衡左  
股來藏首自舍高隱意成名畢竟出羣才  
朝嵐入戶衣衾濕午日當空眼界開  
有約炎天還信宿要看下界走風雷  
他言夏日行雨半空中雷電盤鬱山上赤日如故

金剛山

褚 烟

奇峯突兀俯慈州石徑盤紆林壑幽  
山鎮四天金百鍊神祠南岳貌千秋  
圍巖礫礪溪旁火犀岫廻環澧上游  
到此

塵襟應滌盡何須荒渺問丹邱

登雲朝山

王曉山

山勢嶙峋插碧空登臨乍覺路難通三生石上懷圓澤十字亭邊覓遠公霧鎖梯巖環地白霞凝石筍接天紅直凌絕頂胸襟闊九點齊煙一望中

仙人樓

魏湘

丹崖翠巘鬱崔巍幻出仙樓聳水湄遺蹟已無華表鶴至今猶誦曲江詩雲迷九渡溪深處風靜千林日落時我亦蕊珠宮裏客餐霞吸露有餘思

仙侶洞

仙侶洞邊風景寒仙人曾此駐飛鸞清溪水碧僮澆藥午夜爐紅鬼瞰丹未有素書留後世只餘白石壓層巒欲尋古迹今何有惆悵雲中立馬看

曉起望道人山

朱佐朝

桂邨

咫尺名山恨未遊迷離好景望中收何來舊雨開詩社卻喜春風入畫樓宿霧乍消呈好景晨光微露豁吟眸待他日出纖塵淨一色平分萬壑幽

春日澧江泛舟

澧江新漲縐紋斜邀客尋春共泛楫帆影迷離烟樹外漁歌隱約水雲涯桃潭修楔波翻錦柳岸飛綿浪作花倘得

乘風占利涉中流擊楫興彌賒

王節母朱孺人詩為其子昌運作

蕭世璠 琢岩

六十餘年鬢已霜艱難門戶仗身當三生有約緣偏淺一  
藥無靈憾正長教子真能師孟母勵操全不讓共姜春秋  
迭易貞心在彤管遙傳姓氏香

黃鵠歌成夜月寒機絲手理到更闌聰明或減今生福淑  
慎誰知借老難茶蓼備嘗巾幗苦閨房那見笑言歡祇今  
蓬島欽仙侶天上人間總一般

玉潔冰清不染塵好將仙佛證前因自來節烈傳千古特  
賜旌褒有幾人母肅閭儀完婦職予疎禮拜愧姻親寒檠

一點紅於血總為綱常重此身

駝嶺霞樞

魏翼 少尹

嵯峨峭壁矗晴空贏得霞光十丈紅鋪向巉巖開畫本散  
成交綺仗天公炊烟聚處飛孤鷺夕照明時耀彩虹我上  
仙臺頻眺望綃裝一幅漾輕風

鴛浦漁唱

傅子齡 松濤

漢澧灘頭釣客居終朝結伴坐茅漁船唇唱曲驚鴛起浦  
口行舟逐浪徐數聲新聲憑畫槳一家活計足江魚收帆  
那管風波惡不脫蓑衣卧自如

羊角樵謳

續修慈利縣志

卷之十四

七律

二

層巒突兀俯城南古木龍葱翠色參觀到殘棋柯任爛唱  
來小曲興彌酣歌聲斷續峯腰合擔影橫斜石齒含待到  
燕巖蘿月吐詠歸應喜一肩堪

燕巖蘿月

古洞豁訝衆妙該呢喃燕子却人回蘿篩夜月形微露佛  
坐蓮花影倒開螺髻千層盤絕頂蟾光一綫漾荒苔我來  
正熟胡麻飯好向仙家乞取來

荷花池

傅子猷 鶴舫

亭亭翠蓋漾池塘水色澄清一味涼花氣迎人嬌欲語風  
聲拂面暗生香葉圓雨打盤珠走魚戲萍開菱鏡張羨爾  
汗泥全不梁碧簫醉飲樂無方

洞坡菴晚眺

劉啟達

巖業羣山曲抱多梵宮轟起勢巍巍白歸老樹千年鶴翠  
失遙峯萬點螺寺古留雲封薜荔天空篩月上藤蘿鎖門  
愧乏蘇公帶且賦新詩當嘯歌

洞坡菴小憩

偶來問步足移情活潑禪機悟後生木落空山添貝葉水  
敲虛洞聞鐘聲蒼松百尺濃煙古翠竹千竿淡靄平坡是  
道人無箇事一雙藤几一楸枰

七言絕

周赧王墓

王維

蠻烟荒雨自千秋  
夜遠空餘鳥雀愁  
周赧不辭亡國恨  
却憐孤墓近驩兜

弔李羣玉

周樸

羣玉才名冠李唐  
投詩換得校書郎  
吟魂醉魄歸何處  
空有幽蘭隔岸香

慈陽漫題

張選選

自從五嶽訪真禪  
懶向微塵轉大千  
暫寄闍浮凭一宿  
安眠隨世不知年

猿點峯

李有朋

聽罷談經便脫胎形骸化石體生苔莫教飛向西湖去又被僧呼出洞來

宿通津礪

僉憲 田登通

排闥空山鎖寂寥碧燈明暗卧春宵楚亭不解松風劇疑作寒江夜半潮

古仙對奕

五雷山八景之三

邑貢 于應明

雲覆松枰仙徑橫丁丁猶作弄棋聲於今夜冷千山月柯爛澹桑幾變更

雲南洞府

每憶張仙卧五雷奇峯古洞自天開世間若箇樓真子踏破雲封石徑來

境賽桃源

邑貢 丁文衡

複徑開花又落花丹崖碧澗蔓如麻桃源處處皆相似壁鎖溪頭孰問槎

茶菴

總戎 吳 聯

仗節南征氣自豪投戈暫憩快投膠壺漿道上誰相置免指山梅笑若曹

趙判巖二首

觀察使 皇甫國彥

屣視判官懶折腰歸來林壑日巋巋淵明過後誰方駕層

岫猶借姓氏標

異草奇花色轉饒山環水曲畫難描我來洞裏尋遺跡一境清幽萬慮消

紫金山

邑令胡公威

遙看山勢挿雲根笑兀天門第幾村落日山光色正紫月明引出鶴高騫

桂香樓

等閒窺見素娥粧白玉盤中去竊芳走向樓頭呼客子幾回開落幾回香

八卦井

好似當初古伏羲如何井內亦傳奇分明畫出乾坤象歲歲蛟龍謹護持

荷花池

繡陵才子金陵客桃葉佳人蓮葉舟幾度若耶溪上見復從此地得精幽

前題

學博余國楨

何事花開十丈長藕船不種小池香聊同茂叔先生隱亦作行吟屈子裳

燕子洞內書

陳維新武陵人

深谷幽潛一線通神奇變幻有無中分明就是秦人洞浪

說桃川別一宮

燕子洞

顧元標 揚州人

環繞羣山一萬重重重都是白雲封我來燕子巖前望誰識劉長阮肇踪

贈蕭邑侯二首

胡中翰

曾道零陽令是鬼濱江徹底水冰壺一琴一鶴西江去竹馬歡迎郡大夫

過野牛關 即野牛湖

參議 華福 餘姚人

匹馬窮幽嶺路長解鞍暫駐舊碑傍東峯月出西峯白愛看水輪坐夜涼

登白雲讀書樓 出禮紀

岳州知府 劉武臣

南峯峻極萃英賢劍佩詩書是世傳山上白雲呈萬狀化為甘雨洗狼煙

又

四圍古木儘高閒喜共開窻爭看山一片白雲初出岫為霖為雨濟人間

燕子洞口號

皇甫如森

聞道桃源妙入神漁郎到後再無人燕巖洞裏通仙路為向此中一問津

望真人山

朱劭廉

相傳此地卧真人百丈山頭跡已陳欲問真人何處去空  
餘草木綠三春

仙子曾棲萬仞山孤峯隱現白雲間山中若有圍棋客試  
問樵夫幾在還

燕子洞

燕去燕來幾度春洞中應有避秦人漁郎欲覓桃源路何  
不此間一問津  
入洞徘徊訪舊風相傳洞與武陵通垂髫黃髮今何在燕  
子空留此洞中

七姑山

汪士羽

蟠桃洞裏久成仙周朴遺碑自昔傳我向山中尋古跡幾  
回惆悵碧峰巔

雷雨菴

劉世琬

雷雨菴前日夕斜森森古木覆蒼牙隔牆聽得尼僧語二  
月中和好種瓜

紫雲山

一路尋芳竹影幽紫雲遙接碧山頭道人識得超塵客更  
與殷勤迭唱酬

春日登大尖山

吳達五

才入名山骨已仙雲霞藹藹暮春天  
心清淨參禪理始

信今生佛有緣

一輪明月出深山時有白雲共往還  
牧唱樵歌聲斷續詩情多在畫關間

至九裕觀梁敬齋

成宗

遺像作詩弔之

四首錄一

袁憲健

東西彈指靜邊城上將功名百戰身  
天奪斯人何太速圖形憾未到麒麟

熱水坑

王南川

一泓暖玉出深山灌頂醍醐浴蘭世  
態炎涼都不管慙慙為我洗寒酸

七姑山

小住名山不計年鐘聲隱約澹含烟  
塵心已了仙心靄雲氣迷離覆岫巔

竹枝詞

岳昌嵩 冬卿

無數溪邊女澹紗忽聞鄰舫弄琵琶  
此間絕少商人婦不作當鑪賣酒家

撲蝶尋芳郭外遊風和日暖步汀洲  
高登燕子巖前望瞥見儂家刺繡樓

竹枝辭

魏湘

滄江波接茹江波雨後新添水  
淵魚米渡頭魚米賤沿

續修志  
卷之十四  
村聽唱有年歌

攀蘿捫葛陟層巒欲覓仙蹤竟渺漫惆悵真人山下路何緣換骨得金丹

漁舟無數集官潭日日打魚當種田臨街賣去休爭價只索青銅三百錢

紫霞觀畔野花馨燕子巖前夕照明水色山光都入畫阿誰結伴踏春行

飛飛小艇泛桃溪洞內絃歌徹冰西爭奈曲終人不見亂雲堆壓數峯低

神靈巨斧劈何年銀劍森森挂遠山造物好奇奇到此鋒

鉅隱射白雲關

西連山下野人家不種蔗燕但種茶插罷新秧爭采采茶歌一曲日西斜

阿奴生長鴛鴦浦不見鴛鴦對對飛但見鴛鴦浦內水雙流到底不相違

鄰家姊妹各爲容結伴燒香謁梵宮山路崎嶇行不得累人攬着上雷峯

仙侶洞邊偶息肩遊人來往說神仙愧懷生少神仙福只願駐顏作少年

永安渡口戲龍舟畫鼓綵旗汗漫遊木識錦標誰奪得替

卽懽喜替卽愁

琵琶洲外水紋斜  
琵琶洲前妾住家  
不學灞陽商客婦  
逢人故意撥琵琶

欲采芙蓉沿渚行  
芙蓉渚外一舟橫  
怪卿面似芙蓉好  
笑折芙蓉贈與卿

荷花池畔氣氤氳  
小艇搖來水亦芬  
底事游蜂頻繞漿  
兒家衣是此花薰

三月朔日天氣新  
滿街采仗似雲屯  
游人爭集朝王塲  
擊鼓焚香迎土神

關王會起一城忙  
看會女兒門艷妝  
唇點黥脂眉掃黛  
大

家火伴細評量

東門城外好樓臺  
競把臨街格子開  
日午忽聽簫鼓沸  
廻龍寺裏逐瘟來

離城二里卽官橋  
橋畔垂楊萬萬條  
折取一枝送卽去  
旁人相見也魂銷

七姑山高上接天  
建宮曾祀七姑仙  
瓣香爭向仙姑藝  
盡訴癡情憐不憐

仙人樓下重徘徊  
猶憶仙人跨鶴來  
我亦大羅天上客  
前生曾記住蓬萊

竹枝辭

傅子齡 松澹

楊柳青青三月天  
公王會起客聯翩  
阿奴笑對檀郎道  
開熱今年勝往年

竹枝辭

劉啟培心穀

報道縣官去迎春  
先農壇畔禮田神  
羣兒播種爭相戲  
笑擲香泥滿一身

公王勝會暮春初  
彩仗雲屯畫莫如  
簫鼓迎神官不禁  
總緣功德被慈姑

水聲鼎沸鼓聲張  
齊上龍舟打槳忙  
最是健兒身手好  
錦標隊裏過端陽

蠶吐新絲棉吐花  
花拾入老農家  
辛勤最是鄉村婦  
日

夕裝棉當績麻

新增八景 四言

朱國挺

月川分照

渡照

澧照

灘照

僅一月耳作三所照  
澧將澧就觀者詩兆

煙渚別瀾

晴瀾

雨瀾

清瀾

濁瀾

一津為湍晴雨分瀾  
涇滑不亂異流合觀

礮頭海石

觀音礮上有八寶色石

珊瑚碑磔太極星盤  
現種種色作華幢觀

洞口胡麻

燕子洞前有石米肖甚

撒米豆珠麻姑種麻  
洞門遺粒不槁不華

花石重開

石如堆心牡丹碎剝依然古充遺勝今在永定縣大庸所九岸七姑山亦有之

生生不滅色色無空萬劫如在莊嚴化工

花巖寶結 桃花洞桃實落中如石今在永定縣

問問津者只言落花蘇耽結實化石季孛

赤松仙蹟 赤松子遁此丹白眉存在二都

黃石公耶赤松子耶授書唯唯辟穀嗟嗟

白縣古疆 白公勝城一口白公善築

古道遺勝乃子男邦溝壘猶存方城楚驪

茶庵八景 浪陶沙詞調 伍致璘

漁磻晚照

楊柳繞漁磻草木繚繚夕陽斜下掛青條白髮老翁扶杖

至閑把詩敲 緜緜映山腰一帶漁樵四圍山色紫沙飄

吹笛牛羊人影亂畫裏輕描

橫巖漁歌

青翠峙巖阿小艇輕梭江邊嘹唳起漁歌欸乃數聲春水

綠細雨茅蓑 悠悠把槳和長短輕呵得漁換酒醉顏酡

疎柳林中穿暮靄網曬如羅

巖潭澄月

澄潭似玉珂映月無波秦時明鏡不須磨上下通明同印

樣更愛光多 擊水碎金羅萬點盈科靜來髮鬢抱珠螺

太極一團虛覺照心地常摩

鴉洞晴嵐

雲渙洞門開嵐氣輕堆紫沙籠處曉陽回樹影參差山影  
動令我疑猜 靄靄自何來誰着巧裁湊成奇畫映經臺  
勝似王維摩絕筆澹蕩崔嵬

茂林鳥語

忽訝唱曹娥林裏調和好鳥啼來茂樹多巧舌情生嘹唳  
吻羣譜高柯 鷓鴣喜呼歌鶯轉金梭圓明滴滴不如他  
無事攜柑來坐聽窗外清珂

疊灘風帆

灘勢峭如關叠叠層灣片帆高掛趁風還不必挽舟行自

易巽巽能板 客語正閃閃圯酒歡顏勝似滕王閣上般  
多少風華看不盡忽過重山

砂坪麥浪

芄芃麥滿阡三月春田五風十雨養堯天平地波濤來滾  
滾莫辨河邊 何事不行船彷彿淪漣西湖一帶綠楊聯  
幾箇文雉高翥起魚躍干淵

古樹憩茶

古樹勢參差庇廕斜遮渴來最喜一杯茶何辜寒泉烹普  
洱味擬仙家 不必噉浮瓜玉液滋嘉往來高客飲誼講  
甯讓葡萄斟百斗滿面朱霞

五雷山賦

失名

客有遊五雷山者悚然而具之爰賦其畧曰躡石門  
之絕頂兮小謝希冀乎仙蹤眺天門之勝境兮後杜  
曠覽乎高峯惟慈山之峭崿兮烟雲黯澹而蒙茸伊  
五雷之崩劣兮風雨飄颻而繁濃何造物之不自珍  
其靈氣兮石犖确而橫縱徙倚兮羣驚夫虎豹攀登  
兮每懾夫虬龍爾其睇峭壁探荒陬捫蘿薜援松楸  
籊石梯而千仞陟雲嶠以夷猶訝星長之可摘喜  
灑其堪收晴光凝而飛雨澹月映而疑秋筆架懸而  
斗射香爐蕪而烟浮瞻彼差我信大土方栖夫幽巖

而諸仙且坐於龍頭也其山則金童揚旗神女插鼓  
飛廉追風蒼龍噴雨赤松視若兜孫白雲供其吞吐  
近瞻如羊角之岵嶭遠望似駝峯之岵岵森森者寶  
塔高懸爛爛者星子作輔蓋庶幾西山開國之魚鳧  
豈異於東岱盤羅之龍虎其水則泉出黃茅之巔瀟  
瀟白沙之淤樂王之峪潺湲太子之溪瀨瀨鴛浦逕  
其清瀏龍潭輸其漣洳洞庭之浩淼儲厥源道水之  
渾瀚多所助風不激而自鳴霆不飛而若馭恍惚兮  
廬山之瀑亂飄衡麓之洞高踞由是一峯獨尊五嶺  
俱大屏障崑崙石聲碾磳峻嶒於歛火之旁聳峙於

阿香之外推雷車者伊誰橫雷鞭兮若帶霹靂則衆  
山皆鳴砰礪則羣鳥競噓震虩虩以頻來響虺虺其  
堪繪疇敢持布鼓於雷門卽此凜電光於雷會况復  
春則層巒聳翠夏則萬壑浮烟秋雨積而瘦呈崖際  
冬雪飄而白露岫巔怪獸偕珍禽備產奇花與瑤草  
爭鮮何人鞭五方之界何人歷五緯之躔彙千重以  
合錦聚萬態而成妍偉哉此雷峰之壁立而適高會  
乎羣仙客於是邀勝侶曳輕裾攜竹杖策蹇驢北望  
馬鬣之嶺南指燕巖之墟盼雲台兮崆峒俯風洞兮  
容與訪秦國寨而海霞若揭彝磨鍼井而江霧可噓

峭乎駭半天之廉深險矣臨萬仞之芙蓉幽徑恣其  
搜討仙室任其趑趄覺巖巖者直矗霄漢惟震雷可  
得而方諸方今

聖王當陽羣嶽奠定秩祀則五臺並崇峻峭則五嶺作鎮  
雲霞爛其光華雨暘昭其協應雷兮雷兮因時而蟄  
者亦因時而震客乃悚然於僻壤遐陬而有此鬼蟲  
其形崇隆其體之名勝

奎星樓賦

以氣冲霄漢光射斗牛爲韻

朱佐君

經閣

有樓焉上貫元精下浮紫氣作科第之權衡昭文章  
之炳蔚爲靈秀所獨鍾實穹窿其可畏影懸碧落直

凌北斗以前光煥青霄幾耗千金之費慶貞沅之會  
合瑞應三台嘉景運之昌隆祥徵五緯爾其建奎閣  
培士風極人巧奪天工近倚鶉尾之次遙接天市之  
宮微垣方其廣大紫府擬其玲瓏義路禮門外巍巍  
以宏闢仁軒智牖內浩浩而虛冲時則秀峯霞護仙  
洞烟消零溪水靜道嶺風飄鳥革流丹擁紅雲兮縵  
縵輦飛聳翠映璧月兮迢迢競看百尺麗天瑤光合  
璧遮莫千尋連貝華蓋衝霄是非第下包乎學署而  
亦將上指乎斗杓容廼躡層梯望高閣拾級升凭欄  
玩東瞻雷嶽數千仞晴嵐並星石齊輝西眺天門十

六峯暮靄借珠巖共燦南臨天福如羅列宿於心胸  
北望筆山合繪三長於詞翰登斯樓也則有注意賢  
人之聚而歌爲章於雲漢者矣至若碑傳石碧址剩  
桂香官嘉清四瀾分色觀音磬入寶呈光羊谷雲蒸  
扶羊角而直上燕巖月朗有燕孚之高翔芙蓉渡流  
水潺湲疑琵琶兮彈錯雜鴛鴦浦櫓聲欸乃混漁唱  
芴韻悠揚此皆堪縱文人之目而憑眺下一一能詳  
者也當夫駘宕逢春炎威逼夏花氣媚人涼風滿榭  
或倒捲丁簾或平開丙舍望中之烟水瀰漫檻外之  
雲山迤邐身臨絕頂常懷捧日之心杖拄九霄自稅  
凌雲之駕睇銀河而色燦瑞彩紛騰盼玉宇兮氣清  
眼光四射泊乎白帝乘權元冥轉斗冷露方凝嚴霜  
漸厚騰騰寶氣漾畫棟而輝煌耿耿精芒挂朱闌以  
瑩琇聽幾聲鶴唳响徹天衢看一陣鴻飛字排岫巘  
雙星拱照地恰當夫翼張五鳳添修文應握其樞紐  
洪惟我

皇上振興文教拔取殊尤

恩隆選士

典重旁求鴈塔題名壯武庫文昌之色鴻儀協吉增璇璣  
象緯之休翰墨西園珥筆者材今呈驥圖書東壁登

瀛者賢陋飯牛

桂香樓賦

以會送夔龍集鳳池爲韻

魏相之

用巷

文字因緣風雲際會蕊榜名高達壺春靄緬勝蹟於  
慈陽聳高樓如華蓋遙連碧漢擴幾輩之心胸高轟  
丹霄開城南之圖繪爭喜香分貢樹置身雲路之間  
還看地近秀峰翹步風塵以外是樓也歷代登科者  
題名處也百尺霞圍幾層烟霧下俯澧江高凌燕洞  
影撐雲外時飄聞苑之香名在月中誰作鈞天之夢  
記得蟾宮破萼五色花開果然玉樹臨風萬人目送  
爾其衣沾柳汁香挹瓊枝鹿茸詩咏玉筍名馳芙蓉

鏡祥占昨夜櫻桃筵席設此時客來桂樹之叢賦著  
莪而樂且人盡桂林之選歌械撲以薪之記今朝黃  
雨飛來材呈杞梓待後日紅雲倚去勳懋聿夔原夫  
壯圖始啟結構方濃建雲廊兮一一造月榭兮重重  
竦峙於鴛鴦之浦崢嶸乎羊角之峯數仞何高下界  
殊難駐足羣賢畢至上層應許寄蹤盼桂子之當頭  
多士競思附鳳握桂枝於在手才人盡得攀龍迄今  
樓閣都非樓臺誰聿人染俗氛而多惡習悵城郭之  
依然對河山其欲泣然而遺址尙存殘碑堪拾猶憶  
當日者凌三千之玉宇高不勝寒凭十二之朱闌馨

原共挹此後狀元宰相梅邊早已安排他時座主門  
生李下何妨拜揖仰看星斗之垂早卜英賢之集况  
復風雅宰官經綸邁衆慨鉅製之傾頽披邑乘而吟  
諷必將重覓舊踪再新畫棟想前度大羅天上亦曾  
停杏苑之驂縱今生小謫人寰猶是栖梧岡之鳳門  
已盈夫桃李無慚紫府諸仙曲如度以霓裳不異梅  
花三弄方今

聖天子宏開賢路廣召英奇選隆楨幹品重蘭芝士也草  
堂勵志蓬戶下帷挾漭表超凡之技摘華彰拔萃之  
安草

鳳詔於西清槐廳秉筆篆

龍章於東壁瓊閣賦詩莫不榮步花磚名共標夫金榜  
簪華省身日近夫

丹墀

